



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De ostiariis. C

urn:nbn:de:hbz:466:1-38829

erdotium, &c. Summitas capitis desuper nuda-
 tur, vt eorū mens ad Dñm libera monstretur, quæ
 reuelata facie gloriam Dei cōtempletur. Summi-
 tas enim capitis est eminentia mentis. Denudatio
 capitis est reuelatio mentis. Clericus enim secre-
 torum Dei non ignarus esse debet. Tondentur et-
 iam capilli vsq; ad reuelationem sensuum, sc. ocu-
 lorum & aurium: vt vitia in corde & opere pullu-
 lantia doceantur præcidenda, ne ad audiendum
 & intelligendum verbum Dei præpediatur mens,
 pro quo seruato reddetur in excellis corona. Ton-
 suræ a. ecclesiasticæ vsus à Nazareis exortus vide-
 tur: qui prius crine seruato, deinde ob vitæ conti-
 nentiam caput radebant, & capillos in igne sacri-
 ficij ponebant. Hinc vsus inoleuit, vt qui diuinis
 cultib. mancipantur, quasi Nazarei, i. sancti, crine
 posito inueniantur. Sicut ad Ezechiel. dicitur. Fili
 hominis sume gladium acutum, & duc super ca-
 put tuum & barbam. In Actib. etiam Apost. Priscil-
 lam & Aquilam hoc fecisse legimus. Paulus quoq;
 & alii quidam discipuli Christi hoc fecerunt. Re-
 cte ergo in quibuslibet gradibus constituti, clerici
 vocantur, quorum nomina & rationes nominum
 Isidor. exponens. ait. Cleros & clericos hinc appel-
 latos esse credimus, quia Matthias electus est sor-
 te: quem primum per Apostolos legimus ordina-
 tum. Cleros enim Græcè, Latinè fors vel hæredi-
 tas dicitur. Ideo ergo dicti sunt clerici, quia sunt
 de sorte Domini, vel quia Deum patrem habent.
 Generaliter verò clerici nuncupati sunt omnes,
 qui in ecclesia deseruiunt: quorum gradus & no-
 mina sunt hæc. Ostiarius, Lector, &c.

De Ostiarius.

Ostiarij iidem & ianitores sunt, qui in veteri te-
 stamento electi sunt ad custodiam templi, vt non
 ingrederetur in illud immundus. Dicti a. ostiarij,
 eo quod præsent ostijs templi. Ipsi enim tenentes

Eff 4

cla-

Raban. c. 4.
 lib. 1. de in-
 stitutione
 clericorum.
 1. Petri 2. 6
 2. Cor 3. d

Num. 6.

Ezech. 5.

Act. 18. c
 1. Cor. 11. c

Isido. in l. 7
 etym. c. 12.

clauē, omnia intus & extra custodiunt: atq; inter
 bonos & malos habentes iudicium, dignos reci-
 piunt, indignos respuunt. Vnde & eis cum ordinā-
 tur. clauēs ecclesię dantur ab Episc. Et dicitur eis
 Sic agite, tanquam rationē Deo reddituri pro re-
 bus quę clauibus istis recluduntur. Hoc officium
 Dñs in sua persona suscepit, quando flagello de funi-
 culis facto vendentes & ementes eiecit de tem-
 plo. Ipse enim se ostium significans dicit, Ego
 sum ostium, per me si quis introierit, saluabitur, &
 ingredietur & egredietur, & pascua inueniet.

De Lectoribus.

Secundus est gradus Lectorum. Lectores à legen-
 do, sicut psalmistę à psalmis canendis, vocati sunt.
 Illi n. prædicant populis quid sequantur: isti can-
 tant & excitant ad compunctionē animos audiē-
 tiū: licet quidā lectores ita miserabiliter pronun-
 tiant, vt quosdā ad luctum & lamentationē com-
 pellant. Idē etiam pronuntiatores vocantur, qui
 porrò ante nuntiat: quia tam erit clara eorū vox,
 vt etiā longē positorum aures adimpleat. Ad Le-
 ctorē a. pertinet lectiones pronuntiare, & ea, quę
 Prophetę vaticinauerunt, populis prædicare: vt
 iam ex officio in ecclesia legat prophetias & lectio-
 nes. Vnde & ei vidente populo, traditur ab Episc.
 codex diuinarum lectionum, & dicitur. Accipe, &
 esto verbo Dei relator: habitur⁹ si fideliter imple-
 ueris officium, parē cum his, qui benē verbum Dei
 ministrauerunt. Qui ad hunc gradū puehitur, li-
 terarū sc. etiā debet esse instruct⁹, vt sensum ver-
 borum intelligat, vim accentuū sciat, distinctē le-
 gat: ne confusione plicationis intellectū auditorib.
 auferat. Attēdat quid indicatiuē, quid interroga-
 tiuē sit intelligēdum. Vbi sit in oratione faciendā
 distinctio. Hęc n. malē seruata, intellectū turbant,
 & alios ad risum prouocant. Aurib⁹ & cordi con-
 sulere debet vox lectoris. Hoc officium impleuit
 Chri-

*Cap. 6. con-
 cil. Carth. 4.*

Ioan. 2. c

Ioan. 10. b

*Isidor. ad fi-
 nē c. 12. li. 7.
 etymol.*

*Idem dist. 25
 s. Perlectis.*

*Dist. 23. cap.
 Lector.*

Luca 4. c